



# basic education

Department:  
Basic Education  
REPUBLIC OF SOUTH AFRICA

## SENIOR CERTIFICATE/ NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA VHURARU (P3)

LARA 2020

TSUMBANDILA YA U MAKA

MARAGA: 100

Tsumbandila iyi ya u maka i na masiatari a 13.

**MAFHUNGO THANGELI O LIVHISWAHO KHA MUTOLI/MUMAKI**

Musi vha tshi tola/maka mushumo wa mulingiwa, zwi tevhelaho ndi zwiwe zwa zwine zwa tea u dzhielwa nzhele musu vha tshi shumisa rubriki:

- Ndeme ya vhupulani, mvetamveto, u vhalulula na u dzudzanya zwo bveledzwaho kha tshibveledzwa tsha u fhedzisela tsho nekedzwaho.
- U dzhiela nzhele u riwala hu re na ndivho, vha tangedzaho mafhungo na nyimele hu tshi katelwa na redzhihara, tshitaila na thouni – nga maanda ho sedzeswa KHETHEKANYO YA B.
- Girama, mupeleto na zwiwa zwa u vhala.
- Zwivhumbeo zwa luambo, hu tshi katelwa na luambo lwa vhudzivha/kuambeke.
- Munanguludzo wa maipfi na luambo lwa maambeke.
- Kufhatelwe kwa mafhungo.
- Kuvhekanyelwe na kufhatelwe kwa dziphara.
- Kuthathuvhelwe kwa thoho sa zwo taniwaho nga zwi re ngomu/zwo faredzwaho: mvulatswinga, kubveledzelwe kwa mihumbulo na magumo.

**MAHUMBULWA MALUGANA NA KUMAKELE/KUTOLELWE****KHETHEKANYO YA A: MAANEA**

Kha vha sedze KHETHEKANYO YA A: Rubriki ya u Tola/Maka Maanea i wanalaho kha masiatari a 11–12.

| KHRITHERIA DZI SHUMISWAHO KHA U TOLA /MAKA |        |
|--|--------|
| KHRITHERIA                                 | MARAGA |
| ZWI RE NGOMU NA VHUPULANI                  | 30     |
| LUAMBO, TSHITAILA NA U DZUDZANYA           | 15     |
| TSHIVHUMBEO                                | 5      |
| THANGANYELO                                | 50     |

1. Kha vha vhale maanea othe vha kone u livhanya na/nanguludza khathegori yo teaho mafhungo aya zwi tshi kwama ZWI RE NGOMU NA VHUPULANI.
2. Kha vha dovhe hafhu u vhala maanea vha nanguludze/livhanye hafhu na khathegori yo teaho mafhungo ayo zwi tshi kwama LUAMBO, TSHITAILA NA U DZUDZANYA.
3. Kha vha dovhe hafhu u vhala maanea vha koneha u nanguludza/livhanya na mafhungo ayo zwi tshi kwama TSHIVHUMBEO.

**KHETHEKANYO YA B: ZWIBVELEDZWA ZWA VHUDAVHIDZANI**

Kha vha sedze **KHETHEKANYO YA B: Rubriki ya u Tola/Maka Zwibveledzwa zwa Vhudavhidzani** i re kha siatari la 13.

| <b>KHRITHERIA DZI SHUMISWAHO KHA U TOLA/MAKA</b> |               |
|--|---------------|
| <b>KHRITHERIA</b>                                | <b>MARAGA</b> |
| ZWI RE NGOMU, VHUPULANI NA TSHIVHUMBEO           | 15            |
| LUAMBO, TSHITAILA NA U DZUDZANYA                 | 10            |
| THANGANYELO                                      | 25            |

1. Kha vha vhale tshibveledzwa tshothe vha kone u livhanya na/nanguludza khathegori yo teaho mafhungo ayo zwi tshi kwama ZWI RE NGOMU, VHUPULANI NA TSHIVHUMBEO.
2. Kha vha dovhe hafhu u vhala tshibveledzwa vha nanguludze/livhanye hafhu na khathegori yo teaho mafhungo ayo zwi tshi kwama LUAMBO, TSHITAILA NA U DZUDZANYA.

**KHA VHA PFESESE:**

- Zwivhumbeo zwo fhambanaho zwa zwibveledzwa zwa vhudavhidzani zwi funzwa zwo livhiswa kha maitele a zwino a u linga.
- Izwi zwi tea u dzhielwa ntha musi hu tshi tolwa tshivhumbeo.
- Kha vha nee maraga kha tshivhumbeo tsho teaho/tshone.
- Kha vha sedzese kuvhekanyelwe/kukumedzelwe kwone kwo teaho musi hu tshi nwalwa tshibveledzwa tshiwe na tshiwe.

**KHETHEKANYO YA A: ZWIBVELEDZWA ZWA VHUSIKI (MAANEA)****ADENDAMU**

- Mbuno dzo newaho fhasi ha thoho inwe na inwe kha iyi adendamu dzi thuse fhedzi sa tsumbandila/gaidi kha vhamaki/vhatoli.
- Hu tea u newa tshikhala/thendelo ya u dzhiela nthanda ine mulingiwa a thathuvhisa zwone/ngayo thoho, naho zwi tshi nga vha zwo fhambani na izwo zwo newaho kha idzo mbuno kana na mihumbulo/kuvhonele kwa vhone mutoli/mumaki.

**1.1 Ndo mu hangwela naho ...**

Tsumbo ya zwine mulingiwa a nga dadamala khazwo musu a tshi n'wala maanea awe:

- Mulingiwa u n'wala nga mafhungo ane a sumbedza uri o hangwela muthu zwi songo vhuya zwa tea na khathihi, nga nthani ha uri o vha o vhaiswa vhukuma.
- U n'wala nga zwe zwa mu swikisa uri a mu hangwele.
- Zwi nga di vha zwithu zwi vhavhaho, a songo zwi lavhelelaho.
- Maanea aya u tea u a n'wala nga ndila ya u tou anetshela.
- Fhedzi arali mulingiwa a n'wala lu'we lushaka lwa maanea ane ra pfa a tshi fusha thoho ye a newa, ha newi ndatiso.
- Maanea awe kha vhe na mathomo, mutumbu na magumo zwi fushaho. [50]

**1.2 Maanda nga u pfana ndi mutheo wa lushaka.**

Tsumbo ya zwine mulingiwa a nga dadamala khazwo musu a tshi n'wala maanea awe:

- Mulingiwa u tea u n'wala nga ha zwivhuya zwine lushaka lwa ita, hu u itela u khwathisa vhushaka nga mulandu wa nyandano yavho. Tsumbo: khoro dza lushaka na dza mbulungano.
- Mulingiwa u tea u sumbedza zwine zwa tea u itwa malugana na u tutuwedza u vha fhethu huthihi ha lushaka.
- Mulingiwa nga a sumbedze zwivhuya na vhudziki zwine zwa wanala nga vhushaka havhudi vhune ha vha hone.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n'wala nga lushaka lu'we na lu'we lwa maanea o livhanaho na iyi thoho, u tea u avhelwa maraga dzi yelanaho na zwe a n'wala. [50]

1.3 **N̄walani maanea ane a fhela nga maipfi a tevhelaho: '... nangoho ndo tenda uri khokhonya i la maanda ayo.'**

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u t̄ana kupfesele kwawe kwa murero uyu.
- Mulingiwa u tea u n̄wala nga zwithu zwe a shuma zwa mu d̄isela zwivhuya.
- U tea u sumbedza zwivhuya zwe a zwi swikelela kha vhutshilo/wana zwe a vha o zwi lavhelela.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea o livhanaho na iyi t̄hoho, u tea u avhelwa maraga dzi yelanaho na zwe a n̄wala.

[50]

1.4 **Mudagasi tshililelwa nga vhothe, tshili tsha vha sa londi.**

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u thoma nga u t̄alutshedza t̄hoho.
- U tea u n̄wala nga zwivhuya zwine zwa d̄iswa nga mudagasi sa: u shumisa hayani/dzifemeni/na huñwe fhethu ho fhambanaho.
- U tea dovha hafhu a n̄wala na nga zwithu zwi si zwavhuḍi zwine zwa nga d̄iswa nga u sa fara zwavhuḍi mudagasi sa: u sokou u t̄uma fhethu hu si na tsireledzo na zwiñwevho.
- Mulingiwa u fanela u sumbedza magumo a siaho muvhali a tshi d̄ivha zwine ene muligiwa a imela zwone.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea o livhanaho na iyi t̄hoho, u tea u avhelwa maraga dzi yelanaho na zwe a n̄wala.

[50]

1.5 **Mulomo, thandululo ya u swimana. Ni nga n̄wala ni tshi ima na, kana na hanedzana na t̄hoho.**

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u thoma nga u t̄alutshedza t̄hoho iyi.
- Arali a tshi khou ima na t̄hoho u tea u sumbedze nga mbuno dzo dziaho dza dzine dza d̄isa zwivhuya.
- U ambedzana zwi kwama hani kutshilele kwa vhathu hayani, tshikoloni, kerekeni, shangoni nga vhuphara, na huiwevho.
- Arali a tshi khou hanedzana na t̄hoho u tea u sumbedza zwine nyambedzano dza ita sa: u sokou t̄ata zwi songo fanela, u d̄isa lunyadzo, u zwifha hu u itela u bva mulanduni na zwiwevho.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luiwe na luiwe lwa maanea o livhanaho na iyi t̄hoho, u tea u avhelwa maraga dzi yelanaho na zwe a n̄wala.

[50]

1.6 **KHA VHA PFESESE:** Hu tea u vha na vhutumani vhu fushaho vhukati ha maanea na tshifanyiso tsho nangwaho.

1.6.1 Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u nea t̄hoho yo teaho ya maanea awe.  
Tsumbo: **Khombo magondoni.**
- U ya nga ha itshi tshifanyiso, mulingiwa u tea u anetshela/buletshedza nga ha khombo dzi bvelelaho magondoni na thuso i t̄odeaho.
- Kha sumbedze vhuḍipfi hawe nga zwine zwa bvelela magondoni.
- U tea u sumbedza zwiitisi zwa khombo, khathihi na nd̄ila dza u thivhela/tsireledza khombo idzo magondoni.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luiwe na luiwe lwa maanea o livhanaho na iyi t̄hoho, u tea u avhelwa maraga dzi yelanaho na zwe a n̄wala.

[50]

1.6.2 Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u n̄ea t̄hoho yo teaho ya maanea awe.  
Tsumbo: **U sa pfa hu a wedza khomboni.**
- Mulingiwa u tea sumbedza zwithu zwivhi zwe a ita zwa fhedza zwo mu wedza khomboni.
- Kha sumbedze u pfa vhuṭungu musu o no wela khomboni.
- Kha dovhe a sumbedze u ḍisola kha zwe a ita na zwine a ḍo ita u khwiṇisa nyimele iyi.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luṇwe na luṇwe lwa maanea o livhanaho na iyi t̄hoho, u tea u avhelwa maraga dzi yelanaho na zwe a n̄wala.

[50]

1.6.3 Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u n̄ea t̄hoho yo teaho ya maanea awe.  
Tsumbo: **Mupo washu, tshiko tshashu.**
- Mulingiwa u tea sumbedza uri vhupo vhune a wanala khaho ndi ha ndeme, vhu tea u londotwa na u tsireledzwa.
- Kha sumbedze uri ndi vhuḍifhinduleli ha nnyi na nnyi u londota mupo sa: tshikoloni, hayani sibadela na huṇwevho.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luṇwe na luṇwe lwa maanea o livhanaho na iyi t̄hoho, u tea u avhelwa maraga dzi yelanaho na zwe a n̄wala.

[50]

**T̄HANGANYELO YA KHETHEKANYO YA A:**

50

**KHETHEKANYO YA B: ZWIBVELEDZWA ZWA VHUDAVHIDZANI****MBUDZISO YA 2**

Vhalingiwa vha lavhelelwa u fhindula mbudziso mbili kha dzo nekedzwaho. Vhulaphu ha phindulo vhu vhe maipfi a u bva kha a 180 u swika kha a 200 ho sedzwa mutumbu fhedzi. Luambo, redzhisitara, tshitaela na thouni zwi tea u livhanywa na nyimele.

**2.1 VHURIFHI HA TSHISHAKA/INIFOMALA**

**Zwi re ngomu na Tshivhumbeo.**

- Ri lavhelela mafhungo a u talutshedza zwo bvelelaho tshikoloni, na uri tshivhangi tshazwo tsho vha hu mini na uri masiandaitwa o vha afhio.
- Kha dovhe a sumbedze maga a u khwinisa kutshilele kwawe.
- Diresi nthihi (ya muñwali).
- Diresi i tea u ñwalwa na datumu nga vhudalo.
- Theshano: Malume wanga/anga.
- Marangaphanda: Hu thonwa nga ndumeliso.
- Mutumbu: Afha hu ñwalwa tshidziki tsha mafhungo.
- Nyonesano kana phendelo.
- Magumo (muñwali u ñwala dzina lawe).

[25]

**2.2 NGANEAVHUTSHILO YA MUFU**

**Zwi re ngomu na Tshivhumbeo:**

- Mulingiwa u tea u tana ndivho ya nganetshelo, hu si tshikhoḁo.
- Nganeavhutshilo iyi i tea u tana zwe uyu mufu a zwi swikela vhutshiloni hawe.
- Dzina na tshifani zwa mufu, fhethu he muthu a bebelwa hone, miñwaha, maḁuvha a mabebo na a u lovha, fhethu he muthu a lovhela hone, tshivhangi tsha lufu, tshifhinga tsha u lwala/khombo na madzina a mashaka.
- Zwe zwa swikelelwa/zwa ndeme zwo swikelwaho: pfunzo/vhushaka ho vhaho hone na vhaiwe vhatu/mishumo ya zwitshavha, nz.
- Nganeapfufhi nga ha mufu: u amba zwine mashaka na dzikhonani vha ḁo mu hambula ngazwo.
- Hu sumbedzwe vha tsini vha muḁa vho salaho.
- U dzheniswa ha milaedza ya ndiliso/zwikhoḁo u bva kha muḁa, nz.

[25]



### 2.3 ADZHENDA NA MAAMBIWA A MUTANGANO

Zwi re ngomu na Tshivhumbeo:

- Adzhenda na maambiwa a mutangano zwi tea u bvisela khagala zwine zwa tea u itwa musi hu tshi vusuluswa tshikolo.
- Adzhenda i tea u vha yo kopololwa yotho i na zwiteniwa zwine zwa khou ya u ambiwa nga hazwo, zwo niwalwa nga vhudalo.
- Maambiwa a mutangano a tea u niwalwa nga vhudalo hu u bvisela khagala zwo ambiwaho nga ilo duvha la mutangano.
- Kha hu vhe ho tevhelwa tshivhumbeo tsha yone adzhenda musi hu tshi niwalwa maambiwa a mutangano.

[25]

### 2.4 MUFHINDULANO

Zwi re ngomu na Tshivhumbeo:

- Mufhindulano uyu u tea u disendeka kha nyambedzano vhukati ha mudzulatsini wanu na inwi, ndivho hu u mu kwengweledza na u humbela pfarelo khae ngauri o da o vhila nge a khakheliwa.
- Thoho: kha i vhe ye a randelwa yone.  
Tsumbo: **Duvha le mmbwa ya tswa makumba.**
- Mvulatswinga: kha hu tanwe nyambedzano vhukati ha vhatu vhavhili.
- Mutumbu: kha hu netshedzwe nyimele:  
Kha hu bviselwe khagala zwe mmbwa ya ita na u kwengweledza he mune wa mmbwa a hu ita nz.
- Hu niwaliwe madzina a vhabvumbedzwa u ya kha tshamonde tsha siatari. Hu shumiswe kholoni (zwithoma) u bva kha dzina la muambi/mubvumbedzwa. Hu pfukwe mutaladzi u bva kha uno muambi u ya kha a tevhelaho. Hu rekhodiwe u fhindulana nga u sielisana u bva kha kuvhonele kwa muambi. Mafhungo a tea u thoma phanda ha hune dzina la guma hone, zwo khethekanywa nga kholoni/zwithoma. Ngeletshedzo kha vhalingiwa zwi tshi kwama kuambe kana nyito zwi tea u sumbedzwa ngomu zwitangini musi maipfi a sa athu u buletshedzwa. Tsumbo: (*O sinyuwa tshothe.*)
- Magumo: muwali a nga pendela nga u netshedza kana u amba zwiwe zwa u vhina mafhungo awe o zwi vhea ngomu zwitangini. Tsumbo: (*Vha mbo fhambana vha tshi tuwa.*)

[25]

## 2.5 RIVIYU

### Zwi re ngomu na Tshivhumbeo:

- Riviyu iyi i tea u tana litambwa la Thelevishini khathihi na ndeme yalo kha vhone vhane vhabvedzi vha matambwa na kha lushaka.
- Mvulatswinga: u thathuvha litambwa li no khou rivuwiwa.
- Mutumbu: mafhungothangeli sa lushaka lwa matambwa/vhabvumbedzwa/vhalangi vha matambwa.
- Thalutshedzo ya litambwa: hu netshedzwa manweledzo a litambwa.
- Makumedzwa: u netshedza kutambelwe kwothe kwa litambwa u ya nga musedzulusi kha zwe a vhalo.
- Hu shumiswa luambo lwa tshifhinga tsha zwino.
- Divhaipfi i vhe i gobolaho, i sumbedzaho u tutuwedza/takadza musi hu tshi thathuvhiwa litambwa ilo.
- Magumo: u nweledza mawanwa.

[25]

## 2.6 MUVHIGO

### Zwi re ngomu na Tshivhumbeo:

- Mulingiwa u tea u disendeka kha thaidzo yo newaho ya vhaswa vhane vha khou kuya philisi hu u toda u ita zwidzidzivhadzi.
- Tshivhumbeo:
  - Thoho
  - Marangaphanda
  - Matshimbidzele
  - Mawanwa
  - Themendelo
  - Phendelo
  - Muvhigi na tshiimo tshawe
  - Tsaino ya muvhigi
  - Datumu
  - Fhethu

[25]

**THANGANYELO YA KHETHEKANYO YA B:**

50

**MARAGAGUTE:**

100

**PFESANI:**

- Tshifhinga tshoṭhe vha tshi tola maanea a vhusiki, vha tea u shumisa rubriki iyi (BAMMBIRI LA VHURARU).
- Maraga dza 0–50 dzo khethekanywa dza bva zwipida zwanu (5) zwiḥulwane zwa ṭhalusamaimo.
- Kha khritheria dzi angaredzaho Zwi re Ngomu, Luambo na Tshitaila, tshinwe na tshinwe tsha izwo zwipida zwa ṭhalusamaimo tsho khethekanywa tsha bva zwipida zwiḥili: tshipida tsha nṭha na tsha fhasi, tshinwe na tshinwe tshazwo tsho faredza maraganyangaredzi dzo tshi teaho u ya nga u tevhekana hazwo.
- Tshivhumbeo tshone a tshi kwamei nga heyi khethekanyo ya maimo a nṭha na a fhasi.

**KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA 50]**

| Khriteria  |               | Zwa nṭhesa   | Tshikili tshone  | Vhukoni ha vhukati/vhu fushaho/ho linganelaho  | Vhukoni ha fhasi   | U sa kona   |
|--|---------------|--|--|--|--|---|
| <b>ZWI RE NGOMU NA VHUPULANI</b><br>(Zwo riwaliwaho na mihumbulo)<br>Nzudzanyo ya mihumbulo na vhupulani/<br>U dzhiela nzhele ndivho, vha ṭanganedzaho mafhungo na nyimele<br><b>MARAGA 30</b> | Maimo a nṭha  | 28–30  | 22–24  | 16–18  | 10–12  | 4–6   |
|  |               | -Mihumbulo i gobolaho/ṭokonyaho i sa vhambedzwi/lavhelelwiho<br>-Mihumbulo ya vhuṭali, i ṭokonyaho nahone yo vhibvaho<br>-Zwo dzudzanywa nahone zwa dovha zwa lonzhedzana tshidele lwa tshoṭhe, hu tshi katelwa marangaphanda, mutumbu na magumo/mupendelo                                 | -Phindulo yo lundwa tshidele vhukuma<br>-Zwi yelana tshoṭhe na ṭhoho nahone zwa takadza<br>-Hu na vhuṭanzi ha mihumbulo yo vhibvaho<br>-Zwo dzudzanywa nahone zwa dovha zwa lonzhedzana tshidele lwa tshoṭhe, hu tshi katelwa marangaphanda, mutumbu na magumo/mupendelo | -Phindulo i fushaho<br>-Mihumbulo yo lonzhedzana lwo linganelaho nahone zwi a tendisea<br>-Zwo dzudzanywa nahone zwa dovha zwa lonzhedzana lwo linganelaho/lu fushaho, hu tshi katelwa marangaphanda, mutumbu na magumo/mupendelo                            | -Phindulo i shaedzaho ndunzhendunzhe<br>-Mihumbulo yo vhilinganaho, nahone i si na vhusiki ha muṅe<br>-Vhuṭanzi vhu si gathi ha nzudzanyo na u lonzhedzana zwo teaho | -Phindulo yo polikaho tshoṭhe<br>-Mihumbulo yo ṭangananaho nahone i si na sia<br>-Ndi phambananadzo, zwo sokou dovhololwa<br>-A zwo ngo dzudzanywa nahone a zwi na ndunzhendunzhe |
|  | Maimo a fhasi | 25–27  | 19–21  | 13–15  | 7–9  | 0–3   |
|  |               | -Ndi zwa nṭhesa, fhedzi zwo ri shaedzinyana musutshelo wa maanea o lundwaho tshidele lwa tshoṭhetshoṭhe<br>-Mihumbulo yo vhibva ya lundwa lwa vhuṭali<br>-Zwo dzudzanywa nahone zwa dovha zwa lonzhedzana tshidele lwa tshoṭhe, hu tshi katelwa marangaphanda, mutumbu na magumo/mupendelo | -Zwo lundwa tshidele<br>-Mihumbulo i yelanaho, i takadzaho<br>-Zwo dzudzanywa nahone zwa dovha zwa lonzhedzana zwavhuṭi, hu tshi katelwa marangaphanda, mutumbu na magumo/mupendelo  | -Phindulo i a fusha fhedzi hu na vhuṭudzetudze huṭwe vhu khakhisaho muṭoṭo<br>-Mihumbulo yo dzudzanywa lwa ndinganelo nahone i a tendisea<br>-Hu na huṭwe u fusha ha nzudzanyo na ndunzhendunzhe, hu tshi katelwa marangaphanda, mutumbu na magumo/mupendelo | -Phindulo yo anzaho u sa yelana ha mafhungo<br>-Mihumbulo i vho sumbedza u liana na u ḍaḍisa<br>-U shaedza vhuṭanzi ha nzudzanyo na ndunzhendunzhe zwo teaho         | -A hu na ndingedzo ya u fhindula ṭhoho/mbudziso<br>-U polika tshoṭhe na u sa tsha tea lwa tshoṭhe<br>-A zwi na sia nahone zwo vhilingana  |

**KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA: 50] (i ya phanda)**

|  |               |  |   |  |  |  |
|--|---------------|--|---|--|--|--|
| <b>LUAMBO, TSHITAILA &amp; U DZUDZANYA</b><br>Thouni, redzhistara na divhaipfi zwo teaho ndivho/zwiitei na nyimele. Munanguludzo wa maipfi. Kushumisele kwa luambo na milayo, zwiga zwa u vhala, girama, mupeleto. | Maimo a nthā  | <b>14–15</b>   | <b>10–11</b>  | <b>6–7</b>   | <b>2–3</b>   | <b>0</b>   |
|  |               | -Thouni, redzhistara, tshitaila na divhaipfi zwo tea tshothe tshothe ndivho, vha tangedzaho mafhungo na nyimele.<br>-Lulambo ndi lwa vhudifhulufheli ha nthesa, lu nyanyulaho tshothe.<br>-Lu a gobola, nahone lwo pfuma u dzangelwa ha thouni<br>-A hu na vhukhaki ha girama na mupeleto<br>-Lwo lundwa nga tshikili tsha mathakhenithakheni. | -Thouni, redzhistara, tshitaila divhaipfi zwo tea vhukuma ndivho, vha tangedzaho mafhungo na nyimele.<br>-Luambo lu a tokonya, nahone thouni yo shumiswaho ndi i nyanyulaho.<br>-Hunzhi a hu na vhukhaki ha girama na mupeleto.<br>-Lwo lundwa tshidele vhukuma . | -Thouni, redzhistara, tshitaila divhaipfi zwo tea ndivho, vha tangedzaho mafhungo na nyimele.<br>-U shumiswa ho teaho ha luambo u bvedza thalutshedzo.<br>-Thouni yo tea<br>-U pfumiswa ha luambo ho shumiswa u khavhisa zwi re ngomu. | -Thouni, redzhistara, tshitaila divhaipfi zwo tea zwiutuku ndivho, vha tangedzaho mafhungo na nyimele.<br>-Ho shumiswa luambo lwa mutheo/fhasi<br>-Thouni na kushumisele kwone kwa maipfi a zwo ngo tea<br>-Divhaipfi ndi yo shayedzaho vhukuma. | -Luambo a lu pfali<br>-Thouni, redzhistara, tshitaila divhaipfi a zwo ngo tea ndivho, vha tangedzaho mafhungo na nyimele.<br>-U hotefhala ha divhaipfi zwo anzesa lune u pfala ha mafhungo zwa si tsha konadzea na kathihi/ zwa vho konda vhukuma/tshothe. |
| <b>MARAGA: 15</b>  | Maimo a fhasi | <b>12–13</b>   | <b>8–9</b>  | <b>4–5</b>   | <b>0–1</b>   |  |
|  |               | -Lulambo ndi lwa nthā vhukuma<br>-Lu a gobola, nahone lwo pfuma u dzangelwa ha thouni.<br>-A hu na vhukhaki ha girama na mupeleto.<br>-Lwo lundwa nga tshikili tsha mathakheni.  | -Luambo lu a kunga na u nyanyula<br>-Thouni ndi yo teaho, i nyanyulaho<br>-Vhukhaki vhuutuku ha girama na mupeleto<br>-Zwo lundwa tshidele vhukuma  | -U shumiswa ha luambo ho linganelaho, fhedzi hu tshi di vha na vhuudzetudze<br>-Huniwe u shumiswa ha luambo ho teaho nga u angaredza, fhedzi u dzangelwa ha luambo ndi ha fhasi.   | -Luambo lwo shumiswa lwa u sa kona<br>-A hu na kana hu tou vha na zwiutukutuku zwi sumbedzaho muvanganyo wa mafhungo/mitala.<br>-Divhaipfi yo hotefhala lwa tshothe.   |  |
| <b>TSHIVHUMBEO</b><br>Zwiitalusi zwa tshibvedzwa. Kubvedzelwe kwa phara na tshivhumbeo tsha mafhungo/mitala.   |               | <b>5</b>   | <b>4</b>  | <b>3</b>   | <b>2</b>   | <b>1</b>   |
|  |               | -Kubvedzele kwa thoho kwa nthesa<br>-Vhudodombedzi ha mathakhenithakheni<br>-Mafhungo/mitala, phara zwo fhatwa na u lundwa lwa nthesa tshotheshothe.   | - Kubvedzele kwa thoho kwo lunhedzanaho<br>-Vhudodombedzi ha thoho hu pfadzaho<br>-Mafhungo/mitala, phara zwo vangwa lu pfadzaho.   | -Kubvedzele kwa thoho na vhudodombedzi zwo tea<br>-Mafhungo/mitala, phara zwo fhatwa lu fushaho<br>-Maanea o di faredza zwi pfadzaho/tendiseaho.   | -Dziinwe mbuno ndi dzi pfadzaho<br>-Mafhungo/mitala na phara zwi di vha na vhukhaki<br>-Fhedzi maanea a tsha di pfala naho hu na vhukhaki.   | -Hu na u shaedza ha mbuno dzo teaho<br>-Mafhungo/mitala na phara zwo dala vhukhaki<br>-Maanea ha na mudzio/ha pfadzi.  |
| <b>MARAGANYANGAREDZI</b>   |               | <b>40–50</b>   | <b>30–39</b>  | <b>20–29</b>   | <b>10–19</b>   | <b>0–9</b>   |

**KHETHEKANYO YA B: RUBRIKI YA U TOLA ZWIBVELEDZWA ZWILAPFU ZWA VHUDAVHIDZANI [MARAGA: 25]**

| Khritheria  | Zwa nthesa   | Tshikili tshone   | Vhukoni ha vhukati/ho linganelaho/vhu fushaho  | Vhukoni ha fhasi  | U sa kona  |
|---|--|---|--|---|--|
| <b>ZWI RE NGOMU, VHUPULANI NA TSHIVHUMBEO</b><br><br>Zwo niwaliwaho na mihumbulo<br>Nzudzanyo ya mihumbulo na vhupulani<br>U dzhiela nzhele ndivho, vha tanganedzaho mafhungo na nyimele<br>Phindulo na mihumbulo<br>Nzudzanyo ya mihumbulo na vhupulani<br>U dzhiela nzhele ndivho, vha tanganedzaho mafhungo na tshivhumbeo/milayo na nyimele | <b>13–15</b><br><br>-Phindulo ndi ya mathakhetakheni, i sa vhambedzwi<br>-Mihumbulo ya vhuṭali, yo vhibvaho<br>-Ndivho yo tandavhuwaho tshoṭhe ya zwiṭalusi zwa lushaka lwa tshibveledzwa<br>-Kunwalele kwo tou fombe kha sia lone<br>-Zwi re ngomu na mihumbulo zwo lunzhedzana<br>-Zwo tandavhudzwa lwa tshoṭhe, zwidodombedzwa zwoṭhe zwi tikedza ṭhoho<br>-Tshivhumbeo ndi tshonetshone tsho teaho tshibveledzwa | <b>10–12</b><br><br>-Phindulo ndi yavhuḍi vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa<br>-O fara vhuṭala/sia lone -A hu na u polika<br>-Zwi re ngomu na mihumbulo zwo lunzhedzana<br>-Zwo tandavhudzwa lwa tshoṭhe, zwidodombedzwa zwoṭhe zwi tikedza ṭhoho<br>-Tshivhumbeo ndi tsho teaho naho hu na vhukhaki vhuṭuku | <b>7–9</b><br><br>-Phindulo ndi i fushaho/linganelaho vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa<br>-Ho ngo tou fara vhuṭala hone tshoṭhe lini – hu na u polika huiwe hu vhonealaho<br>-Zwi re ngomu na mihumbulo zwo ḍi lunzhedzana<br>-Zwiṭhe zwidodombedzwa zwi tikedza ṭhoho<br>-Nga u angaredza, tshivhumbeo ndi tshone, fhedzi hu na u polika huṭuku | <b>4–6</b><br><br>-Phindulo ndi ya mutheo/fhasi, i bvukululaho ndivhonyana ya zwiṭalusi zwa lushaka lwa tshibveledzwa<br>-Hu na u polika huiwe hu vhonealaho naho o fara vhuṭala<br>-Zwi re ngomu na mihumbulo a zwo ngo tou farana tshoṭhe lini<br>-Zwidodombedzwa zwiṭuku zwi tikedza ṭhoho<br>-Hu na u shaedza hu vhonealaho ha kushumisele kwa milayo na tshivhumbeo<br>-Ṭhahelero/U shaedza ndi hu soliseaho | <b>0–3</b><br><br>-Phindulo i sumbedza u shaya ndivho ya zwiṭalusi zwa lushaka lwa tshibveledzwa<br>-Ṭhalutshedzo yo dzumbama, u polika ndi hu hulwane<br>-A hu na u farana ha zwi re ngomu na mihumbulo<br>-Zwidodombedzwa zwiṭukuṭuku zwi tikedza ṭhoho<br>-A ho ngo tevhedzwa milayo yone ya tshivhumbeo tsha tshibveledzwa |
| <b>MARAGA 15</b><br><br><b>LUAMBO, TSHITAILA NA U SEDZULUSA</b><br><br>Thouni, redzhiṭara, ndivho/u nyanyula, tshitaila, vha tanganedzaho mafhungo na nyimele<br>Munanguludzo wa maipfi<br>Zwiga zwa muṭwalo na mupeṭo  | <b>9–10</b><br><br>-Thouni, redzhiṭara, tshitaila na divhaipfi, ndi zwi teaho lwa mathakhetakheni ndivho, vha tanganedzaho mafhungo na nyimele<br>-Girama ndi yoneyone nahone yo fhatwa tshidele<br>-A hu na vhukhaki  | <b>7–8</b><br><br>-Thouni, redzhiṭara, tshitaila na divhaipfi, ndi zwi teaho tshoṭhe ndivho, vha tanganedzaho mafhungo na nyimele<br>-Nga u angaredza, girama ndi yone nahone yo fhatwa zwavhuḍi<br>-Divhaipfi ndi yavhuḍi vhukuma<br>-Hunzhi a hu na vhukhaki  | <b>5–6</b><br><br>-Thouni, redzhiṭara, tshitaila na divhaipfi, ndi zwi teaho tshoṭhe ndivho, vha tanganedzaho mafhungo na nyimele<br>-Hu na huiwe vhukhaki ha girama<br>-Divhaipfi i a fusha/linganela<br>-Fhedzi vhukhaki vhu re hone a vhu thithisi thalutshedzo   | <b>3–4</b><br><br>-Thouni, redzhiṭara, tshitaila na divhaipfi, ndi zwi teaho zwiṭuku ndivho, vha tanganedzaho mafhungo na nyimele<br>-Girama yo shaedza, i na vhukhaki ho vhalaho<br>-Divhaipfi ndi yo shaedzaho vhukuma<br>-Ṭhalutshedzo yo thithisea  | <b>0–2</b><br><br>-Thouni, redzhiṭara, tshitaila na divhaipfi, ndi zwi sa ananiho na ndivho, vha tanganedzaho mafhungo na nyimele<br>-Zwo ḍala vhukhaki nahone zwo tangananana<br>-Divhaipfi a i tei ndivho na kathihi<br>-Ṭhalutshedzo yo hotefhala tshoṭhe   |
| <b>MARAGANYANGAREDZI</b>  | <b>22–25</b>   | <b>17–20</b>  | <b>12–15</b>   | <b>7–10</b>   | <b>0–5</b>   |